

## Transkription von Stadtbucheintrag PAR 1351a

Ort, Datierung: Parchim, 1366-02-05

Signatur: Landeshauptarchiv Schwerin, Acta civitatis PAR, Stadtpfand- und Verlassbuch I, Bl. 1

Inhalt: Stadtbucheintragungen über Verkäufe etc.

---

frederich elsink van vrydenhage(n) dy hed we losed syne(n) borgen den hie / hadde gesad fritziken  
deme ioden vnde hed den dach gehalde(n) dy eme / bescheydeV was inhechederbank dar ys eme eyne  
vrede ouer<sup>1</sup> warcht /

Symon horneboge dy schal betalen bynne(n) verteynnachte(n) Clawes wyben / eyne(n) ferdig sulueres  
eynhalf schok weytes eynhalf schok gersten vnde / eyne(n) halue(n) morgen gersten vnde redelyke  
pe(n)nynge dýt on kosted dy hý /

Claws wyben dy scal betalen Cone(n) yssleue(n) anderhalue mark bewise mach / sulu(er)es verte  
bynne(n) verteynnachte(n) dar symo(n) horneboge(n) hadde gewesen

Heyle claws weddewe van tzerwitz dy ys kome(n) myd rechte van peter / oghen vmme seudehalf lot  
sulue(re)s vnde vmme eyne(n) wischepel rogge(n) dar / hie sie vmme beschuldgede /

Hintze kempe tyle(n) granowe(n) weddewe dy sind erscheyden indysser wis / dat dy wanowýnne scal  
den twischeltún halde(n) van erme huse to<sup>2</sup> half vnde / dy ander helfte van der schüne to<sup>3</sup> dy scal  
hintze kempe(n) holden /

Claws peders vnde hans wolburges dy hebbe(n) sik vt der achte toge(n) dar sie in / ghedan waren van  
hans waldes wegen /

[...]enekarz dy iode ys ghewisz an Jan hoymans hus vp der breyde vor eyne(n) fer/ding vnde dry<sup>e</sup> mark  
sulu(er)es /

Hans warendreghir dy hed sik vt der achte toge(n) dar hie inghedan was van hinrik herde(n) weghe<sup>n</sup> <sup>4</sup>  
/

Hintze tzabel van domlütz dy hed bracht indy<sup>e</sup> achte Merte(n) dyden dreus / dyden vnde  
wessendorppe vmme walt dy sie eme gedan hadde dy hed hintze / by wised myd syne(n) tügen  
Cone(n) bi demborne(n) Cone oberitz . Matheus hans van / halle diderik doryng Cone tzabel sel

---

<sup>1</sup> ouer nachträglich über der Zeile eingefügt

<sup>2</sup> to nachträglich über der Zeile eingefügt

<sup>3</sup> to nachträglich über der Zeile eingefügt

<sup>4</sup> van hinrik herde(n) weggen nachträglich über dem Abschnitt eingefügt